


經律異相

牙二十四

四百四十二
舍四

5-1110



經律異相卷第二十四

梁沙門

寶唱等譯

轉輪聖王諸國王部第一

劫初人王始原一

大王致輪之初二

金輪王王化方法三

燈光金輪王捨臂四

蓋事金輪王有大利益五

轉輪王為半偈剋身燃千燈六

摩調金輪王捨國學道七

無淨念金輪王請佛僧八

堅固念金輪王失輪出家九



舍



文陀竭金輪王遊四天下
頂生金輪王愛別離苦十一
阿育四分王始終造塔十二

劫初人王始原一

劫欲成時水災既起壞第二禪風災吹結世
界得成光音諸天福命既盡化生爲人歡喜
爲食身光自照神足飛行無有男女尊卑隔
異故曰衆生有自然地味猶如醍醐色如生
酥味甜於蜜以手取嘗遂生味著食之多者
顏色麁悴食之少者膚白光澤便有勝負自
相是非地味消滅又生地皮狀如薄餅色味
香美復共食之轉相輕易地皮又滅更生地

膚

增一阿舍婁炭並云地肥

因食多少生諸惡法地生糲

米衆共食之生男女形乃至立王

事已見世界成壞部

天下富樂地生青草如孔雀尾漸次分張有

八萬國人民聚落雞鳴相聞天下無病大熱

大寒以法治國奉行十善哀念一切猶如父

母人壽長久後王福德漸薄年壽轉減至一

萬歲今至一百王崩子嗣名曰珍寶

出長阿含經第

二十卷

大王致輪之初二

轉輪聖王所以致金輪者帝釋常勅四天王

一月六日察行天下伺人善惡四天王及太

子使者見有大國王以十善四等治天下

勤人物心踰慈父以是事白天帝釋帝釋聞
之慶其能亦便勅毗首羯摩賜其金輪即出
持付毗沙門天王毗沙門天王持付飛行夜
叉飛行夜叉持來與大國王毗沙門天王勅
此夜又汝常為王持此金輪當王頂上畢其
壽命不得中捨是夜又常為持之進止來去
隨聖王意盡其壽命然後還付毗沙門天王
毗沙門天王還付毗首羯摩毗首羯摩還內
著寶藏中

出雜譬喻
經第六卷

道種堅德乘金輪王四

天下性種性王乘銀輪王三天下習種性王

乘銅輪王二天下以上十善得王乘鐵輪王

一天下

出仁王
般若經

金輪王王化方法三

轉輪聖王成就七寶有四神德一金輪寶二
白象寶三紺馬寶四神珠寶五玉女寶六居
士寶七主兵寶若轉輪王出閭浮提時諸刹
利水澆王頂以月滿時香湯沐浴昇高殿上
會衆伎樂天金輪寶忽現在前輪有千輻光
色八具足天金所成非世所有輪徑丈四王見
興念我從宿舊聞今此輪現將無是耶今我
寧可試此輪寶王即召四兵向金輪寶偏露
右臂右膝著地以右手摩捫金輪語言汝向
東方如法而轉勿違常則輪即東轉王將四
兵隨其後行輪前四神導輪所住王即止駕

東方小國以金銖盛銀粟銀銖盛金粟凍
王所拜首白言善哉天王今此東方土地豐
樂多諸珍寶人民熾盛唯願大王留此治化
大王答曰汝等但以正法治民勿使偏枉無
令國內有非法行自不殺生殺人不殺偷盜
邪淫兩舌惡口妄言綺語貪取嫉妬邪見之
人此即名曰我之所治時諸小王即從大王
巡行諸國至東南西北隨輪所至其諸國王
皆獻國土平曠之處輪則周行封畫量度東
西十二由旬南北七由旬天祚造城郭其城
七重七重欄楯七重羅網七重行樹周匝交
飾七宝所成乃至無數衆鳥相和而鳴復旋

城內造諸宮殿宮墻七重七室所成時途
室在宮殿上虛空中住王清旦於正殿上坐
目然象室忽現在前其毛純白七處平住力
能飛行具首雜色六牙織臙真金間填王見
念言此象賢良若善調者可中御乘即試調
習諸能悉備時轉輪王欲自試象即乘其上
清旦出城周行四海食時已還時王清旦在
正殿坐自然馬室忽現在前其絳青色朱毛
尾頭仰如鳥力能飛行王見念言此馬室良
若善調者可中御乘即試調習諸能悉備王
欲試馬即自乘之清旦出城周行四海食時
已還時王清旦在正殿上自然神珠忽現在

前質色清徹無有瑕穢王見念言此珠妙極
若有光以可照宮內王欲試珠即召四兵以
此寶珠置高幢上於夜冥中賈幢出城其珠
光以照一由旬見城中人皆起作務謂為是
晝玉女室者忽然自現顏色從容面貌端正
不長不短不麤不細不白不黑不剛不柔冬
則身溫夏則身涼舉身毛孔出梅檀氣口出
優鉢羅華香言語柔軟舉動安詳先起後坐
不失儀則時王無著心不暫念況復親近居
士室者忽然自出室藏之內財富無量居士
宿福眼能徹視地中伏藏有主無主皆悉見
知其有主者能為擁護其無主者取給用

時居士寶往白王言大王有所給與不足

憂我自能辦時王欲試此居士寶即勅嚴船

於水遊戲告居士曰我須金宝汝速與我居

士報曰大王小待須我至岸王乃逼言我今

須用居士宝以右手內著水中水中宝瓶隨

手而出初出緣樹時王見之語居士言止止

吾言所須向相試耳尋以宝物還投水中王

兵宝者忽然出現智謀雄猛英略獨決即指

王所自言大王有所討罰不足為憂我自能

辦時王欲試主兵宝及即集四兵而告之曰

汝今用兵未集者集已集者放未嚴者嚴已

嚴者解未去者去已住者住時主兵宝與如

王言王見踊躍曰我今真為轉輪聖王。一者
長壽不夭。二者無能及者。二者力強。三者無患。四者無能及
者。三者顏貌端正。四者無能及者。四者寶藏盈出
無能及者。是為聖王。具四功德。大海彼岸復
有鉢頭摩池。俱物頭池。分陀利池。過是地空
其空地亦有大海水。名鬱禪那。此水下有轉
輪聖王。造廣十二由旬。狹道兩邊有七重墻
七重欄楯。七重羅網。七重行樹。以七寶成。閻
浮提地。轉輪聖王出于世時。水自然去。其道
平。現時轉輪聖王。又乃命駕出遊。後園尋告
御者。汝當善御而行。所以然者。吾欲諦觀國
土。人民安樂無患。時國人民路次觀者。復語

侍人汝且徐行吾欲諦觀聖王威顯時王慈
育民物如父愛子國民慕王如子仰父所有
珍奇盡以貢王願垂納受時王報曰且止諸
人吾自有室汝可自用王治此國淳樸時其
地平正無有荆棘坑坎堆阜亦無蚊蠹蜂蠅
虺虺惡蟲石沙瓦礫自然沉沒金銀寶玉現
於地上四時和調不寒不熱其地柔輭無有
塵糠如油塗地潔淨光澤地出流泉清淨無
竭樹木繁茂華果熾盛地生軟草冬夏常青
色如孔翠自然粳米每有糖糲臭味具足時
有香樹華果茂盛其果熟時自然裂出香氣
飴薰復有衣樹華果茂盛其果熟時皮殼自

裂出種種衣復有莊嚴樹其果熟時出種種
莊嚴具復有鬘樹其果熟時出種種鬘復有
器樹其果熟時出種種器復有果樹華果茂
盛其果熟時皮殼自裂出種種果復有樂器
樹其果熟時出眾樂器轉輪聖王治於世時
阿耨多羅龍王於中夜後起大密雲彌滿世界
而降大雨如犍牛乳而八味水潤澤周普地
無停水亦無泥淖潤澤沾洽於中夜後空中
清明淨空雲曠海出涼風清淨調柔觸身生
樂聖王以正治國立有所枉修十善行時諸
人民亦修正見具十善業具王久時如樂人
食身小不適而便命終生梵天上時金輪白



象糾馬明珠皆悉滅沒時玉女實居士室主
 兵室及國土民作倡伎樂以香湯洗沐王身
 以劫貝纏五百張毳次如纏之捧舉王身置
 金棺裏以香油灌之置鐵槲裏復以木槲裏
 衣其外積衆香薪裏衣其上而罔維之於四
 衢道頭起七宝塔縱廣一由旬雜色參闍
 七室成主女室居士室典兵室舉國土民皆
 來供養此塔施措窮乏須食與食須衣與衣
 象馬室乘給衆所須隨意所與

出樓炭經才
一卷又出長

所
含

燈光金輪王捨臂四

過去無量無邊阿僧祇劫時於身名日月雷

亦有五濁世我於是時作轉輪王閻浮提
号燈王之教化阿僧祇人住善法中見有一
人身被縛束我問言此何所犯大臣自言
田作穀麥六分一分入官是人不從王法是
故縛之我勅令放臣答言今王諸子後宮眷
屬諸所賢用皆從他邊強取妄有一人清淨
心與王大憂愁分此地為五百分等與諸子
即便出家至南海邊鬻頭摩木林之中食諸
果子漸漸修學得五神通時閻浮提有五百
商人入海採宝有一商主名曰滿月得如所
願即欲發還龍心懷瞋欲害商父復有一龍
王名曰馬堅是大菩薩以本願故生於龍中

起慈悲心救諸商人令得安隱過於大海至
彼岸邊龍王然後還本住處今時有大惡羅
刹隨逐商人如影隨形欲為危害是惡羅刹
昂於其日放大風下惡上時諸商人迷悶失道生
大怖畏夫聲号哭喚呼諸天摩醯首濯水祓
地祓火祓風祓復稱父母妻子眷屬領救濟
我善男子我於今時以淨天耳聞其音聲尋
往其所以柔軟音而慰撫之莫生怖畏當示
汝道令汝安隱還閻浮提善男子我於今時
白氈纏臂以油灌之然以為炷發真實言我
先以於鬻頭摩林三千年中專精修行四無
量心為諸衆生食噉果子勸化八万四千諸

龍夜叉神等不退轉於阿耨多羅三藐三菩提以是善報今然此臂為示道故令諸商人安隱得還闍浮提中然臂乃至七日七夜此諸商人尋便安隱還闍浮提善男子我於今時復作善願若闍浮提妄捨珍寶若我必成阿耨多羅三藐三菩提得已初者當作商主於一一天下七及兩室復入大海取如意珠於一一天下復兩種種雜廁寶物如是次多遍此世界乃至十萬無量無邊阿僧祇諸世界中亦復如是善男子我於往昔諸所發願皆悉成就如恒河沙等火劫之中奉作無上薩薄之主於恒河沙五濁惡世兩種種寶一日

之中七及雨之令得滿足然後教化令住三

乘

出過去香蓮
華佛世界經

蓋事轉輪王有大利益五

過去閻浮提有四河水二大國王一名曰婆

羅門提婆

梁言梵天

獨據三河人民繁盛然復瘁

弱一王名曰

罰闍建提

囉難

唯得

一河人

民亦少然其國人悉皆勇健持金剛聚處元

正殿王念兵衆勇悍而所獲水少彼國瘁弱

獨霸三河今當遣使索取一河若與我者共

為親厚國有好物更相貢贈若有艱難共相

赴救若其不得便當力大奪即遣使至梵天國

具宣王意梵王云我國豐實人衆亦多又地

國界父王所有。特用授我。至於此。諱我不下。彼答言。此國乃是我父所授。我亦不相滅。若欲力決。我不相畏。使還。具聞王。即合軍攻梵天。天國共戰。一交。梵天軍壞。乘皆追蹙。徑至城邊。衆人怖縮。更不敢出。諸臣共集。詣梵王所。白大王言。他國兵強。我國瘠弱。惜一河水。令致此敗。如是不久。懼恐失用。雖願開意。以一河與之。共為親厚。足得安全。王遣使與一河水。又以女許為夫人。國有奇物。更相貢贈。急難危險。共相赴救。時金剛聚。即迎其女。拜為夫人。各共和解。迴軍還國。經於數時。其王夫人便覺有胎。懷妊之後。恒有自然。七室大蓋。

當在身上坐卧行立終不遠離至滿十身生
一男兒身紫金色頭髮紺青光相炳著世之
少雙兒以出胎蓋在其上召諸相師令相此
兒相師白王太子德相世之希有王及群臣
喜不自勝昂為其立字字刹羅伽利梁言年
至成人父母便命終小王臣民共立蓋事治
正教年出外遊觀見諸人民耕種勞苦問左
右曰此人何作答言國以民為本民以穀為
命若其不令民命不存民命不存國則滅矣
王便言曰若我福相應為王者令我民衆獲
自然穀發言已竟人民倉廩滿種種穀隨意
悉有後獲出遊見人汲水舂磨作役又問臣

言。諸人何其。命耶。臣白。王言。蒙王恩澤。獲自
然穀事。須成熟。是以庶民辦作。食調。王復言
曰。若我福德應為王者。令吾國內一切人民
有自然食。發語已訖。合境皆獲自然之食。後
復出遊。見人織作。辦具衣裳。調問言。此諸人等
何故。執作。臣言。辦具衣裳。王言。若我福德應
為王者。使五國內一切樹木。出自自然。衣適發。
此語國中。諸樹皆出。妙衣極為細軟。青黃赤
白。衣隨人所好。後復出遊。見諸人民競作樂
器。王復問。臣何以故。臣言。治伎樂器。王言。
若我有福。應為王者。令我國中樹生樂器。稱
意。悉有。又經少時。諸王臣民悉來拜賀。值王

食時留與飲食今時諸臣得王飲食百味具足咸共白王臣等家食飲其味薄少今得王食美味非凡王告之曰卿等臣民若欲常得如我食者用吾食時食者皆得如是之食即勅伺官吾食時到恒鳴大鼓令諸人悉得聞知用我時食當得百味上妙之供從是已後食便鳴鼓一切人承音念食百味上饌自然在前人優樂時王梵天遣使來至蓋事王國語蓋事言汝父在時我以河水用與汝父汝父已終宜當還我時蓋事王報彼使曰我今境土及與河水亦非我力強從汝得然我為王不勞民物且得須我後與汝王相

見使還白王王然其意勉日共期二王俱遣
軍衆圍遠各安大營在河一邊二王乘船河
中相見時王梵天初見蓋事身色晃曜如紫
金山頭髮弈弈如糾瑠璃其目廣長人中難
有敬心內發瞋是梵天到相問訊對坐一處
談兩國土論索水事蓋事報曰我國人民所
欲自然亦無貲輸王役之勞所言未訖食時
已至蓋事王軍鳴鼓欲食梵天謂欲殺之怖
起謝罪羊皮四布腹拍前地蓋事自起曉令
還坐復語之曰大王何以恐怖如是我軍食
時恒自鳴鼓所以令者用我時食皆獲百味
上饌之供梵天復起白蓋事曰唯大王普

見臨覆我及國人悉願降付令諸民庶悉悉

恩澤於是蓋事典閻浮提一切人民盡獲安

樂登位之後處於正殿群臣百官宿衛侍立

日初出時有金輪寶從東方來如是七宝相

續而至典四天下一切衆生蒙王恩德所欲

自恣王悉教令修行十善壽終之後皆得生

天佛告阿難刹刹羅伽梨王者我身是王罰闍

建提今父王是母者今摩耶是出賢思經

轉輪王為半偈刺身燃千燈去

時轉輪聖王為求佛法遍問閻浮提誰解佛

法大轉輪王欲得說習時皆云這邊一小國

有婆羅門解知佛法即請寶宮為我解說

瞿門言望大愚也五字佛法久受勤苦因
得成今者云何直欲得聞王白師言欲須何
物婆羅門言與我供養王言所須供養為是
何物婆羅門言若能就五身上刺作千瘡灌
滿膏油安施燈炷以供養者吾當為汝解說
佛法王未答頃尋下高座令時大王即前抱
持報言小復留懷須自思惟當奉供養今時
大王即入宮中報諸夫人今共汝割我欲割
身以作千燈供養大師夫人言天下所重莫
若已身云何毀害王曰欲求佛法為一切眾
生於大闍室然智慧燈照汝生死無明黑闇
斷眾累結得至涅槃汝得諸人今者云何違

逆我心時。諸夫人默然。對心悲。郁噎。王與
內外一切辭別。還至殿上。往大師所。脫身瓔
珞。端身正坐。告衆人言。誰能為吾割身千瘡。
皆共答言。寧自割。兩目終不能以手仰。割王
身有旃陀羅。具性弊惡。尋聲往趣。語諸太子。
且莫憂苦。我有方便。能令大王事不得成。還
領國土。如本不異。諸太子聞喜。時旃陀羅言。欲割
身者。我能為之。王言。汝今是我。每上道伴。時旃陀羅
持牛舌刀。就王身上。瞬速割。作數滿千瘡。謂王意。退投
刀。馳走。灌滿膏油。細毳為炷。時婆羅門告王言。精進如
是。難為能為。修此苦行。為聞佛法。即說半偈。
夫生趣死。此滅為樂。

王言於我有慈愍者應慎持是法於諸國土
有人民處宣通王命諸人當知大轉輪王見
諸衆生沒於苦海未能出要起大悲心剗身
千燈求此半偈諸人今當書寫此偈讀誦翫
習思惟其義如說修行諸人異口同音讚大
王言善哉大王真慈悲父爲諸衆生修此苦
行我等應當速往書寫或紙或帛或於石土
或於樹木瓦礫草葉蹊徑要路多人行處亦
皆書寫其見聞者皆發道心王燃千燈供養
大師其明遠照十方世界其燈光中亦出音
聲說此半偈其聞法者皆發道心其光上照
至忉利宮隱蔽天光時忉利天王即作是念

以何因緣有此光明即以天眼觀於世間見轉輪王以大慈悲熏修其心爲衆生故剜身千燈供養大師爲度衆生我等當往勸戒佐助即下世間化作凡人往詣王所問大王言剜身千燈修此苦行爲求半偈何所作爲報言善男子我爲衆生令發道心尔時化人即復釋身報言作是供養願求天王魔王梵王耶王言我不求此正求菩提爲衆生故不安者安不解者解未度者度未得道者欲令得道天王釋言大王今者不乃愚也求菩提者久受勤苦乃可得成汝云何欲求無上道報天王釋言假使熱鐵輪在我頂上旋終不以

此苦退無上道心。汝雖發是言，吾終不信也。
時轉輪王於天王釋前立此誓言。若不真實，
求三菩提。欺天王釋者，使我千瘡終無愈時。
若不尔者，血當為乳，千瘡平復。說是語時，瘡
即如本。天王釋言：善哉！大王真是大悲。如是
苦行不久，當得無上菩提。得菩提時，要先度

我時天帝釋放大光明，徧照王身與百千諸
天。發菩提心五百太子見其父王身瘡平復，
歡喜無量。發菩提心二万夫人，百千采女亦

復如是。

出大方便佛報
恩經第三卷

摩調金輪王捨國學道七

昔者有王名曰摩調，時号遮迦越王。王四女

下以正法治不枉人民常行慈心視民如赤子人壽八万歲王有七寶又有千子鞭杖不行民無詞訟莫不戀化王欲行四方隨意即至數千万人隨後而飛不持刀兵人民鬼神皆自歡喜語侍衛者頭鬚生白可以告我侍人言生白王召太子告言我頭生白衰老將至今立汝為王王四天下皆屬於汝汝後亦應厭於世樂當行求道王即棄國除髮學道時諸臣民皆大啼哭摩調子孫相傳持國千八十四王髮白學道摩調王千八十四世後復出為人還續王位名喃復持正法即勅中宮及諸貴人使持八戒月修六齋臣民男女

皆亦奉持沙門道人無有衣食皆悉給施
至醫藥天帝語言寧欲得見忉利天上諸天
王不喃王即言欲得見之天帝釋言我遣一
車駕千疋馬來迎王車名余昉育多喃王名
聲遠流聞忉利天爲諸天王之所敬重欲得
相見見車駕言非世所有我王施善天車迎
王喃王載車車馬俱飛即告御車汝過二道
我欲得見惡人之道復欲得見善人之道摩
日婁即將過視泥犁地獄人所作惡考掠之
處復上忉利觀天上樂王到釋宮天帝復言
天上諸王大欲得見喃王常道說
德前
牽臂與共並坐喃王變身如天上體不

世間白也作倡天樂散華燒香帝釋語喃王
言莫愁憂也此間諸伎可共相戲足可忘憂
喃王不持天上伎樂為樂喃王即語釋言如
人借物會應當還以本願故不以天伎為樂
時喃王者今我身也出摩異
調王經
無諍念金輪王請佛僧八

菩薩過去劫時此佛世界名那提嵐劫名曰
善持有轉輪王名無諍念主四天下有一大
臣名曰寶海是梵志種善知占相時生一子
有三十二相八十種好百福成相常光一尋
百千諸天來共供養因為作字號曰寶藏其
後長大剝除鬚髮法服出家成三菩提還

寶藏十号具足即轉法輪令諸衆生皆得生
天咸蒙解脫利益天人聲聞大衆恭敬圍遶
安周羅城即是聖王所治之處去城不遠有
一園林名曰閻浮時佛與聲聞大衆止頓此
林時王聞之與無量大衆往至佛所到佛所
已頭面禮足右遶三币却坐一面佛即爲王
說於正法以種種方便示教利喜王白佛言
唯願如來及諸聖衆於三月中受我供養衣
服飲食卧具湯藥時佛默然頭面作禮遶佛
三币還告小王及臣民眷屬辦諸供具時王
寶臣於閻浮林中以純金爲地於其地上作
七寶樓其樓四門七寶所成七寶行樹其樹

皆懸寶衣瓔珞種種珠蓋及諸寶器復散諸
香寶華繞遶繒纒以爲敷具懸諸繒幡及王
金輪於樓觀前去地七尺女寶執蓋以摩尼
珠並置佛前珠輪二光常照林中晝夜無異
以牛頭栴檀爲床榻机橙白象寶樹種種莊
嚴在佛僧前任後玉女寶持七摩尼寶蓋在於
佛前以牛頭栴檀及黑沉水散以供養作衆
伎樂於園外邊有四兵寶周帀圍遶王到佛
所作禮右遶三帀自行澡水手自斟酌上妙
餚饌供佛及僧食訖捨鉢行水漱口王執寶
扇以扇如來及一一聲聞時王千子及八万
四千諸小王等悉皆供養一一聲聞如轉輪

王尋於食後有無量衆入林聽法諸天散華
作天伎樂以供養佛虛空中有天衣瓔珞種
種寶蓋而自迴轉四万青衣夜叉取牛頭栴
檀爲衆作食時轉輪王夜於衆前然百千無
量億那由他燈王頂戴一燈肩荷二燈左右
手中執持四燈其二膝上各置一燈兩足趺
坐亦各一燈晝夜供養佛神力故身無疲極
如入三禪轉輪聖王所受快樂亦復如是終
竟三月以主藏寶臣貢上如來閻浮檀金作
龍頭瓔珞八万四千上金輪寶白象紺馬摩
尼珠寶妙好火珠主藏臣寶主丘臣寶諸小
王等安周羅城諸小城邑七寶衣寶華寶聚

寶蓋所著妙衣華鬘瓊瑤寶車寶仗七寶頭
茵交絡及諸寶網閻浮金鎖真珠寶貫上妙
履徒紈筵茵蓐微妙机橙七寶器物鐘鼓伎
樂寶鈴珂貝園林幢幡瓶罐燈燭七寶鳥獸
雜廁妙扇種種諸藥如是等物各八万四千
以施佛僧作是施已白佛言世尊我國多事
有諸不及今我悔過唯願如來久住此園復
當令我數得禮敬王諸子等復各請佛僧終
竟三月如來默然善男子時王千子第一太
子名曰不瞬終竟三月供養如王唯無輪等
七寶大臣寶海梵志徧閻浮提告一切男女
有所求乞者先歸依三寶發菩提心然後當

受汝之所施時閻浮提無有一人不從梵志
受三歸依發菩提心便受所施之物時諸王
子皆各發心或願忉利天王或求梵王或求
魔王或求轉輪聖王或願大富或求聲聞各
各向佛及僧悔過轉輪王因過去布施故復

求今住

出悲華經第三卷又出
寂意菩薩問五濁經

堅固金輪王失輪出家九

過去世時王名堅固有四種兵為轉輪王攝
御天下以法為治與七寶俱人間四妙王於
後時失於天輪告太子頂來我本從舊人聞
若轉輪王失天輪者王必不長壽太子我已
食人間欲復欲求天欲我欲剃髮被著去服

信樂出家我今以大海地與汝汝當以法教
令莫作非法若復與汝天輪移處堅固王學
道七日天輪晝忽然不見頂來王白父王言
不可爲王當云何父王言當作輪之福行可
有是處十五日說戒時沐頭昇在堂上東方
有天輪來非工巧所作光炎極妙齋日沐頭
昇在堂上東堅固王曰子當如法觀行於男
女婦孺及諸臣民非是一人沙門婆羅門下
至鳥鹿當持齋月八日十四日十五日施與
沙門婆羅門貧窮孤老乞者當以飲食衣被
華鬘衆香床卧屋舍給與使爲明證若界內
所識沙門婆羅門當至其所隨時問論去何

爲善不善白黑報云何現在義云何後世義
云何作行受善不受惡當如是學若界內有
貧窮人當施與時物是爲得輪之行汝與行
相應者便得若十五日說戒時沐頭昇堂上
東方當有天輪來至繼後有頂來王以法
行於其界內施與財物爲轉輪王與七寶俱
人間四妙云何曰妙如上七寶如上四妙彼
輪於後時天輪亦移處至輪不現頂來王亦
初不憂感樂著姪欲不知敗壞強御天下人
民日減不增先王如法但增不減知明星婆
羅門白言天王當知以欲御民但減不增猶
若過去諸轉輪王與輪法相應人但增不減

王曰我當云何荅曰天王界內有明算法有諸臣中明呪術知於輪法王當與輪法行相應若與相應者可有是處輪便可得十五日說戒時沐浴昇高堂上東方當得天輪王曰云何爲輪行今我行與相應當如法見行於法於妻子至施物是爲天王天輪行若應此待可有是處便可得輪頂來王於後時行法於妻子至貧窮人積財不施旣窮無物便行偷盜詣王罰之王作是言汝衆生真諦不與取耶荅言實尔我若不盜無以存命王便與物語彼人曰汝去後莫復尔復有窮者聞盜見王即賜其物我等寧可作不與取便復行

盜盜轉增廣人壽漸減始八万四千歲終至
百年時有過者王言若復於我界盜者當悉
著樹下以刀梟首佛告諸比丘當來人壽十

歲

出中阿含經
第十四卷

文陀竭金輪王遊四天下十

昔者有王名文陀竭從母頂出後作遮迦越

王東西南北皆屬之七寶具足王有千子王
四天下經數千歲意中自念我有四天下人
民熾盛穀米平賤千子端正高才健猛今天
雨金銀七日七夜快耶天即爲王雨錢金銀
七日七夜王心歡喜聞諸方土人民熾盛王
奉七寶四種兵衆俱共飛行次到諸國悉皆

降伏正法治世如是各數千歲王復生意我
有閻浮提國二十八万里我有俱耶尼國三
十二万里我有弗于逮國三十六万里王唯
聞北方有鬱單越天下大樂人民熾盛王意
欲往彼無貧窮豪羸強弱無有奴婢尊卑皆
同一等令我人衆屬共食之自然粳米自然
衣被服飾諸珍寶便俱飛行入鬱單越地青
如翠適復前行見白雪自然稻米汝曹當
食適復前行見諸寶樹百種衣樹金銀瓔珞
皆懸著樹王問邊臣汝曹見是等不邊臣言
唯然已見入國人民皆悉降伏王治鬱單越
地四十万里經數千歲復念我有四天下王

意欲上須彌寶山至忉利天王釋所止處便
舉七寶百官俱飛到須彌山入天王釋宮王
釋遙見迎之言數聞王功德欲相見日久仁
者來大善便牽與共坐以已半座與文陀竭
王適坐左右顧視天上有玉女心便念言我
有四天下所有雨寶使天王釋死我欲代其
處治天上如治天下便覺去離即還天下便
得疾病困劣著床臣問王曰得無有意欲得
天王釋處不答適生意便下在地即嬰困病
心自悔言人無厭足知足者少文陀竭王我

身是也

出文陀
竭王經

頂生金輪王愛別離苦十一

過去之世人壽無量王名善住其王介時爲
太子治事及登王位各八万四千歲時王頂
上生一肉皤其皤柔軟如瓊羅綿細軟劫具
漸漸增長不以爲患足滿十月皤即開剖生
一童子其形端正人中第一父王歡喜字曰
頂生時善住王即以國事而委付之棄捨童
子入山學道滿八万四千歲時頂生王於十
五日在高樓上沐浴受齋即於東方有金輪
寶至其輪千輻轂輞具足不由工匠自然成
就而來應之王作是念我昔曾聞五通仙說
若利利王於十五日處高樓上沐浴受齋若
有金輪而來應者當知得作轉輪聖帝即試

左手擎之。右執香爐。右膝著地。而發誓言。是
金輪寶。若實不虛。應如過去轉輪聖王。即飛
昇虛空。周徧十方。還王左手。王心知作轉輪
聖王。其後不又復有象寶。如白蓮華七枝。拄
地。王念亦如仙說十五日。處在高樓沐浴。受
齋。王試擎香爐。右膝著地。而發誓言。是白象
寶。若實不虛。應如過去轉輪聖王所行象。即從
旦至夕。周徧八方。盡大海際。還住本處。王大
歡喜。復作是言。我今定是轉輪聖王。其後不
久。次有馬寶。王又如前。復有女寶。形容端正
微妙。第一以手觸王衣時。即知王身苦樂。亦
知王心所緣。自然有摩尼珠寶。如純青琉璃。

璃大如車輪照一由旬若天降雨滴如車軸
是珠勢力能作大蓋覆一由旬遮此大雨不
今下過王念如前次有主藏臣自然而出多
饒財寶無所闕少眼見伏藏隨王所念皆能
辦之即共乘舩入於大海告藏臣言我今欲
得珍異之寶藏臣聞已即以兩手撓大海水
時十指頭出十寶藏以奉聖王而白王言大
王所須隨意用之其餘在者當沒大海王大
歡喜次有主兵臣自然而出勇健猛略策謀
第一善知四兵能令摧伏已摧伏者力能守
護王告諸臣汝等當知此閻浮提安隱豐樂
我今七寶成就千子具足更何所為諸臣答

言唯然大王東弗婆提拘耶尼北鬱單越
猶未歸德王今應往時王即與七寶一切營
從飛空而往四方人民歡喜歸德復告大臣
我四天下安隱豐樂人民熾盛咸已歸化更
何所爲諸臣荅言唯然聖王三十三天壽長
安樂自恃天福未來歸化今應往討令其摧
伏王復飛空上忉利天見有一樹其色青綠
即問大臣此是何色大臣荅曰此是波利質
多羅樹忉利諸天夏三月日常於其下娛樂
受樂又見白色猶如白雲復問大臣此是何
色大臣荅言是善法堂忉利諸天常集其中
論人天事於是天主釋提桓因知王在外即

出迎逆見已執手昇善法堂分座而坐彼時

二王形容相貌等無差別唯有視瞬為別異

耳賢愚經云先身以豆散弗沙佛上四粒入鉢王四天下

王言我今可住此中為天王不時天帝釋受

持讀誦大乘經典為他宣說唯於深義未盡

通達王於帝釋乃生惡心即便墮落還閻浮

提與所愛念人天離別生大苦惱復遇疾病

即便命終帝釋迦葉佛是轉輪聖王則我身

是出大涅槃經第十一卷

阿育四分王始終造塔十二

波吒利弗多國雜阿含云王姓孔雀名頻頭

婆羅父名曰有子名阿輸柯梁言無憂又名

月護

闍耶為童子時值釋迦王舍城心念佛故
於大路边以沙為糧內佛鉢中以伸供養因
發願言我未來為一傘地王廣興供養佛即
記之我入涅槃百年之後當生波吒利弗多
城姓孔雀名阿育為四分轉輪王起八万身
四千塔供養舍利出阿育王經第一卷

體鹿澀父不愛念乃於後時使善相師相諸
兒子誰堪為王不召阿育母密報之汝宜就
次阿育啓母父王不喜母言但去大臣成護

問今何行答以實事成護駕最勝象給其乘
御設諸子食皆悉寶器不及阿育母私辦饌
器食皆勝相師曰阿育最勝是堪為王大王
曰我所不重必當見殺可更搜筭相師又曰
今好乘好食好器者此堪為王復無勝者後
境內小國名德又尸羅欲為友逆王勅阿育

汝集四兵掩集彼國器仗資物悉不給汝阿育奉命即自思惟若有功德應爲王者願自能涌出地即震裂器食無數德又尸羅國聞阿育來莊嚴道路望風奉迎一切人民競興供養初不嫌二遣使往佉師國求二犍兒力能摧山偃岳時諸天發言語二人云此四分轉輪王領閻浮提不可逆也一切雄賢莫不奉覲諸天以天寶冠置其頭上大王聞之即遣大兒修私摩大興兵力竟不能罰大王身遇重疾倍更瞋恚復聞不剋口吐熱血即便命終阿育即登大位拜成護爲第一大臣領理國事修私摩等聞父母背立阿育爲王心

生不忍即集諸兵來伐阿育二大力士與成
護各鎮一門王頓東門立大火坑以物覆之
無有烟炎作機關木人王騎大木象遲行示
弱修私摩率其銳卒規殺阿育見諸木人行
步劣動督軍直前墮大火甯被燒而死二十
八万里皆臣屬之陸地龍及夜叉悉皆降伏
阿育因募得栴陀羅使但有一龍所止之地
廣三百餘里得佛舍利最初起塔在羅摩村
有大功德獨不從化名耆利柯能行殺戮即
立牢獄以治不從莊嚴獄門極令華麗見者
愛樂入不得出時鷄寺比丘誦修多羅修多
羅說地獄事耆利柯聞之隨造鑊湯鑪炭刀

此劍樹等有海意比丘早起著衣持鉢入城
乞食遇入地獄門耆利柯執之比丘泣而告
之曰人身難得出家難遇我皆已得未得道
法乞申一月荅曰我受王命終不可得聽至
七日比丘晝夜精勤并見王子共內人語有
勅付獄耆利柯即鐵臼杵碎之比丘心增怖
畏第七日夜思惟得羅漢果明日耆利柯置
比丘於鐵鑊中盛沸屎尿雜穢膿血以猛火
煮之經時不壞比丘獨坐蓮華王聞與一切
人民共往看之比丘即以神力身昇虛空現
十八變王大歡喜曰汝身同人身汝力過人
為應令我知之為汝作神足荅曰王稱佛語

廣作塔廟供養舍利爲法饒益佛滅諸陋慈
悲無比最勝論師我爲弟子佛記轉輪王取
我舍利起八万四千塔廣作諸佛事王先起
地獄等殺害甚無數當除諸罪業施於無畏
王即合掌向此比丘自說懺悔即自入地獄
出之耆利柯言我先奉勅無所蠲除入不得
出王曰汝欲殺我耶荅曰如此王問初立此
獄誰最先入荅曰耆利柯先入王語獄卒以
耆利柯置作膠舍裏以火燒之然後毀地獄
去也便於五部僧以千金銀瑠璃鬘盛以香
水種種飲食香花等供養受八戒竟手執香
爐而登高殿請四方僧說言世尊弟子在四

方者為攝受我故悉應來此而說偈言
有諸阿羅漢 當來攝受我 我請阿羅漢
當悉來此處

有三十万比丘阿羅漢十萬學人二十万凡
夫無數於上座一處無有人坐王問耶舍言
第一坐處何故無人答言佛說弟子中有能
師子吼者名賓頭盧是第一上座王聞毛豎
如柯曇婆華又言有見佛來入涅槃今猶在
者不答言即賓頭盧是也又問我於今者得
見其人不答言其今應來時王聞已生大歡
喜即說偈讚合掌仰看空中目不暫捨時賓
頭盧與無數阿羅漢隨從圍遶從空中下坐

第一座闔衆皆起見賓頭盧頭鬚皓白額皮
眉毛悉合覆面如緣覺身五體投地禮賓頭
盧舌舐其足啼泣說偈讚歎賓頭盧以兩手
舉眉毛觀阿育曰我數見如來因歎佛德阿
育復問何處見佛荅曰佛與五百阿羅漢俱
詣於王舍城安居我時在衆中又於舍衛國
爲勝外道故現種種神力又於三十三天上安
居爲母說法竟下復往於阿僧柯奢國又於
修摩陀伽孤獨女請佛及五百阿羅漢佛以
神力至分陀跋陀國我以神力舉山從虛空
中亦至彼國時如來戒勅云汝不得涅槃至我法
住阿育復問賓頭盧大德幾人隨從說偈荅曰

六万阿羅漢

悉盡煩惱毒

大王何忽疑

速施衆僧食

衆僧若食竟當更共語王荅介種種欲去皆以
供養時王語比丘名一切支我當施僧十萬金及千
銀瑠璃鬘於大衆中說我名供養阿育王子名
鳩那羅住父邊畏其父故不敢發言舉二指示
唱導介比丘表其修福倍其父相衆作大笑
王見衆笑語大臣成護云汝所作非是故人笑
成護荅言多人欲作福必欲一倍阿育荅言我當
以三十萬金供養衆僧以三千鬘盛以香水王
又云大德我今作七寶庫藏一切大地宮人大
臣并以我身及鳩那羅悉以施僧

出阿育王
經第一卷

經律異相卷第二十四

剗身上烏官反 醞二字音 皓徒添反 粃

米上音 紺古暗反 輻車音 福摩捫 蘭楯

尹正作 攔攔也 時織脯 息廉反 圓直也 瑕穢

家上反 焜正作 埠阜 音上丁反 糠糲 蝗莫庚反 蝮

虺下許也 鬼反 毒非 瓦礫 音下音 糠糲 會反 蝮

熏上正 作芬 下詳 皮聲 正下口 鬚莫 班反

溝牛 穀取牛乳也 正作 泥淖 音下音 濁也 沾洽 正作 班反

瞋陰 計也 反倡 伎優上 樂昌 擲音 郭縱 廣上 足容

也摩 醯下呼 炷音 注雜 廁反 間初 使瘳 弱上 耕尼 反

也勇 悍下音 汗躡 尼輒 反縮 所六 反全 字全 晒

著上音 又知 慮也 直略 倉筭 而下 外緜 圓倉 市緣 春磨

殺戮
 白老上
 反胡六下
 音
 舐
 舌神
 只反
 蠲除
 玄上
 反俱
 膠舍
 交上
 皆
 甕
 瓶於
 之耕
 類反
 皤

